

**UGOVOR**  
**o nabavci robe AGREGAT ZA NEPREKIDNO NAPAJanJE**

Zaključen između Sporazumnih strana:

**1. UNIVERZITET U SARAJEVU, Obala Kulina bana br. 7/II, Sarajevo**, koga zastupa rektor prof. dr. Rifat Škrijelj (u daljem tekstu: Ugovorni organ)

ID: 4200494560007

i

**2. ENERGOINVEST SUE D.D.**, ul. Tvornička 3,71000 Sarajevo, koga zastupa direktor Suzan Hota (u daljem tekstu: Prodavac)

ID broj: 4200420360006

Broj transakcijskog računa: 3383202250130543 otvoren kod UniCredit Bank d.d. Mostar

Ovaj Ugovor se zaključuje na osnovu Odluke broj: 0101-8197-6/18 od 17.01. 2019. godine o izboru najpovoljnijeg ponuđača, koja je donesena nakon provedenog postupka OTVORENOG POSTUPKA, za koji je dana 27.12.2018. godine na Portalu javnih nabavki BiH, objavljeno Obavještenje o nabavci broj: 999-1-1-184-3-67/18.

## **I. PREDMET UGOVORA**

### **Član 1.**

Predmet ovog Ugovora je nabavka robe-AGREGAT ZA NEPREKIDNO NAPAJanJE za potrebe i po zahtjevu Ugovornog organa, u svemu prema Tenderskoj dokumentaciji broj: 0101-8197-3/18 od 27.12.2018. godine (u daljem tekstu: Tenderska dokumentacija) i ponudi Prodavca broj: 042 –ES/19 od 16.01.2019. godine (u daljnjem tekstu: Ponuda Prodavca), koje čine sastavni dio ovog Ugovora.

## **II. CIJENA**

### **Član 2.**

Ukupna cijena ovog Ugovora prema specificiranim robama, količinama i ugovorenim jediničnim cijenama iznosi **29.800.00 KM** bez PDV-a.

(slovima: dvadesetdevećiljadaosamstotina KM i 00/100), što sa uračunatim PDV-om iznosi: **34.866,00 KM** (slovima: tridesetčetirićiljadeosamstotinašezdesetšest KM 00/100).

Cijene robe obuhvataju sve troškove do isporuke robe i ugradnje agregata na adresu krajnjeg korisnika.

Ugovorene cijene iz stava 1. ovog člana su fiksne i neće se mijenjati za vrijeme trajanja ovog ugovora.

## **III. MJESTO ISPORUKE**

### **Član 3.**

Mjesto isporuke predmetne robe je na adresi podorganizacionih jedinica Ugovornog organa: •Univerzitetški tele-informatički centar (UTIC), Zmaja od Bosne bb (Objekat 33), Kampus

## **IV. ROK I NAČIN ISPORUKE**

### **Član 4.**

Prodavac se obavezuje da će isporuku i ugradnju agregata izvršiti jednokratno u skladu sa potrebama Ugovornog organa, u roku od 30 dana od dana potpisa Ugovora.

### **Član 5.**

Prodavac je dužan da robu isporuči u originalnom pakovanju.

Kao dokaz izvršene isporuke robe, Prodavac uz račun prilaže otpremnicu, koja mora biti potpisana od predstavnika Ugovornog organa i Prodavca.

U slučaju da Prodavac isporuči robu koja nije u skladu sa zahtjevom iz Tenderske dokumentacije i Ponudom Prodavca ili predstavnici Ugovornog organa utvrde da je roba oštećena ili neispravna, Ugovorni organ će odbiti prijem takve robe, te zahtijevati od Prodavca da u roku od 24 (dvadesetčetiri) sata isporuči robu bez nedostataka ili da o svom trošku utvrđene nedostatke otkloni.

Ukoliko Prodavac u ostavljenom roku ne isporuči robu bez nedostataka, odnosno nedostatke ne otkloni, Ugovorni organ ima pravo da raskine ugovor i zahtijeva naknadu štete.

## **V. NAČIN PLAĆANJA**

### **Član 6.**

Ugovorne strane su saglasne da će Ugovorni organ izvršiti plaćanje preuzete robe u roku od (30) trideset dana od dana prijema potpisane i ovjerene fakture od strane Prodavca.

Prodavac dostavlja fakturu na Pisarnicu Univerziteta u Sarajevu, Obala Kulina bana 7/II, 71 000 Sarajevo.

Plaćanje se vrši po dospijeću na transakcijski račun Prodavca.

## **VI. OBAVEZE UGOVORNOG ORGANA**

### **Član 7.**

Ugovorni organ se obavezuje da:

- Prodavcu odredi termin za isporuku i ugradnju agregata;
- izvrši pregled i preuzimanje isporučene robe, bez nedostataka;
- da plati primljenu fakturu Prodavca, u skladu sa članom 6. stav (1) ovog Ugovora.

## **VII. OBAVEZE PRODAVCA**

### **Član 8.**

Prodavac se obavezuje da:

- isporuči robu prema zahtjevima iz Tenderske dokumentacije;
- Dostavi dinamički plan rada, a u skladu sa TD.

- izvršiti sve radnje neophodne da roba bude spremna za prijem kao što su: pakovanje, otprema, utovar, prevoz i osiguranje, obavljanje svih neophodnih administrativnih i komercijalnih formalnosti, te prevoz, istovar i ugradnja na krajnjoj destinaciji i sve druge usluge u smislu pripreme robe za prijem na njeno odredište;
- snosi sve rizike do konačnog prijema agregata na krajnjem odredištu i ugradnje istog.
- izvrši isporuku i ugradnju predmetne robe na mjestu i u roku utvrđenom ovim Ugovorom.
- kvalitetno i uredno izvrši ovaj Ugovor u skladu sa nalogima Ugovornog organa, važećim propisima, pravilima i standardima struke za ovu vrstu posla, štiti prava i interese Ugovornog organa, te ga obavještava o toku realizacije Ugovora;
- riješi eventualne reklamacije Ugovornog organa potpisane od strane ovlaštenog predstavnika Ugovornog organa,
- Nakon potpisa Ugovora, a nakasnije u roku od 10 dana Ugovornom organu dosavi bankovnu garanciju za dobro izvršenje ugovora
- Nakon ugradnje agregata i njegovog puštanja u rad, Ugovornom organu dostavi izvedbeni projekat sa pratećom tehničkom dokumentacijom i detaljnim opisom ugrađenom agregata.
- ispostavi fakturu za isporučenu robu.

## **VIII. TRAJANJE UGOVORA**

### **Član 9.**

Ovaj Ugovor se zaključuje na period do njegove potpune realizacije.

## **IX. RASKID UGOVORA**

### **Član 10.**

Ugovorni organ ima pravo raskinuti ovaj Ugovor i pravo na naknadu eventualne štete u slučaju ako Prodavac u cijelosti ili djelimično ne izvrši obaveze iz ovog Ugovora u ugovorenom roku, a koje nisu rezultat kašnjenja preuzetih obaveza Ugovornog organa.

Ugovor može biti jednostrano raskinut dostavom pismene obavijesti drugoj Ugovornoj strani 15 (petnaest) dana prije raskida.

Obavijest mora sadržavati razlog raskida ugovora.

U slučaju raskida ugovora, Ugovorne strane su saglasne da će u svemu izvršiti međusobne uzajamne obaveze nastale do tog roka, u skladu sa realizacijom ovog Ugovora.

## **X. UGOVORNA KAZNA**

### **Član 11.**

Za svaki dan kašnjenja u isporuci robe do kojeg je došlo krivicom Prodavca, Prodavac se obavezuje da Ugovornom organu na ime ugovorne kazne plati 0,2 % od ugovorene vrijednosti robe, a najviše 5 % (pet posto) od ukupno ugovorene vrijednosti robe.

Prodavac je dužan platiti ugovornu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovornu kaznu ukoliko je do kašnjenja došlo usljed više sile.

Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Prodavac nije mogao uticati, niti ih predvidjeti.

## XI. ZAVRŠNE ODREDBE

### Član 12.

U skladu sa članom 72. stav (6) Zakona o javnim nabavkama BiH, Prodavac nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala komisija za nabavke, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

### Član 13.

Sporazumne strane su saglasne da se na sve međusobne odnose koji nisu definisani ovim Ugovorom, neposredno primjenjuju odredbe Zakona o obligacionim odnosima.

### Član 14.

Sporazumne strane su saglasne da sve eventualne sporove rješavaju sporazumno, a u slučaju da sporazum nije moguć, ugovora se nadležnost stvarno nadležnog suda u Sarajevu.

### Član 15.

Ovaj Ugovor stupa na snagu kada ga potpišu i ovjere ovlašteni predstavnici Ugovornih strana. Datum kasnijeg potpisivanja ovog Ugovora smatra se datumom njegovog stupanja na snagu.

### Član 16.

Ovaj Ugovor je sačinjen u (4) četiri istovjetna primjerka, od kojih po (2) dva primjerka zadržava svaka Ugovorna strana.

ZA UGOVORNI ORGAN  
Rektor

Prof. dr. Rifat Škrijelj




---



ZA PRODAVCA  
Direktor

ENERGOINVEST  
SISTEMI IPRAVLJANJA  
ENERGIJOM D.O.O.  
SARAJEVO



---

Broj: 0101- 8197-7/18  
Sarajevo, 12.02.19

Broj: 488-299/19  
Datum, 22.02.2019

